



SIPA U nastavku policijskih akcija "Coral" i "Tango" Tri osobe uhapšene zbog porezne utaje i prostitucije

Nerman Čeho i Dragan Koladin Holiday Resortu pružali knjigovodstvene i informatičke usluge kojima je omogućena porezna utaja, dok je Seid Fetić, inače sudski vještak, osumnjičen za navođenje na prostituciju

Nerman Čeho, Dragan Koledin i Seid Fetić uhapšeni su jučer ujutro na području Sarajeva u okviru nastavku akcija „Coral“ i „Tango“ koje provodi Državna agencija za istrage i zaštitu (SIPA).

Softver za utaju

Kako nam je potvrđeno u Kantonalnom tužilaštvu KS, Čeho je kao ovlaštena knjigovođa agencije, lažnim prikazivanjem činjenica i podataka doprinio izvršenju krivičnog djela porezne utaje dok je Koledin osumnjičen da je svojim radnjama i instaliranjem odgovarajućeg softverskog programa na ovaj način omogućio poreznu utaju.

Čeho i Koledin se terete da su počinili krivično djelo organizirani kriminal u vezi sa krivičnim djelom porezna utaja pružajući knjigovodstvene i informatičke usluge privrednom društvu "Holiday Resort d.o.o. Sarajevo", dok se Fetić tereti za navođenje na prostituciju. Čeho je inače vlasnik knjigovodstvene agencije i sudski vještak.

Navedene aktivnosti realizirane su po naredbama sarajevskog tužilaštva.

Uhapšeni u jučerašnjoj akciji privedeni su u službene prostorije SIPA-e, gdje je uslijedilo i njihovo saslušanje. Nadalje će uslijediti njihovo predavanje u nadležnost Kantonalnog tužilaštva Kantona Sarajevo.

Uskoro optužnica

Akcije "Coral" i „Tango“ započete su 8.10.2015. godine kada su pretreseni objekti na deset lokacija na području Sarajeva, a zbog postojanja osnova sumnje da su osumnjičeni u ovom slu-

čaju počinili krivično djelo organizirani kriminal te poreznu utaju, ugrožavanje sigurnosti, sprečavanje službene osobe u vršenju službene radnje, oštećenje tuđe stvari, teška krađa, organiziranje otpora i navođenje na prostituciju uhapšeni su Alen Čengić, Adnan Hadžibajrić, Mehmed Puškić, Vahid Alić, Jasmin Kulenović, Anida Kunić, Sabina Bajraktarević, Emir Smailbegović, Adis Skorupan, Senadin Didik, Kemala Elkaz i Emir Ljuca.

Kantonalno tužilaštvo u Sarajevu istragu u ovom slučaju privodi kraju te se uskoro može očekivati i podizanje optužnice. Nju će u pritvoru najvjerojatnije dočekati Alen Čengić, Adnan Hadžibajrić, Mehmed Puškić, Jasmin Kulenović i Vahid Alić dok se ostali u ovom predmetu brane sa slobode.

Prvoosumnjičeni Čengić, prokurista firme Holiday Resort i vlasnik restorana Park Prinčeva označen je kao organizator kriminalne grupe. E. F.

ČIME SE SVE BAVILA KRIMINALNA GRUPA

Seksualne usluge za 200 KM

Kriminalna grupa Čengića prema tvrdnjama tužilaštva zatraživala je stečajne upravnike Holiday Resorta kako ne bi proveli stečajni postupak hotela koji je koristio Čengić. Istovremeno bavili su se utajom poreza, falsifikovanjem umjetnina ali i navođenjem na prostituciju, a seksualne usluge koje su organizirali, djevojke su naplaćivale od 100 KM do 100 eura po satu.

Page: 25

Reach: 0

Country: BOSNIA AND HERZEGOVINA

Size: 389 cm2

2 / 2



Sa ranijih privodenja u akcijama Coral i Tango